

Augsburg, 1. Januar 1557

An Johannes Oporinus

UB Basel, Fr. Gr. I 11, fol. 206r-v.
Steinmann Nr. 698.

S. P. D. 27 huius mensis accepi ea quae in Zonara excusa sunt, ostendi D. Antonio, qui non improbare visus est. quam probarit nescio. Σκηνὴ πᾶς ὁ βίος γὰς νοστι. Ego euolui omnia folia, et in marginum annotationibus aliquot errata deprehendi, caetera, nisi tu emendaris, ego emendare non potero. Vix tantum virium et ocij mihi suppetit, γὰς Χονιατας ante nondinas absoluendi spem habeam. Toties aduersa valetudo, vel fortuna potius meos conatus interpellat. Quo die literae tuae allatae sunt, dominus meus discessit. quando redditurus sit, ignoro. Tu, et migrationes Lazij, et Monachum nostrum γὰς feliciss[ime] absoluas et distrahas deum precor. Ad nondinas, nisi commodior valetudo fuerit, sine magno incommodo venire non potero. atque γὰς τινα cum bona gratia domini mei domi mihi manere liceat. Aegrotus enim nec mihi nec amicis iucundus esse potero. et γὰς rectiss[ime] valeam, nondinae istae et studijs et pecuniolae et existimationi meae non parum nocent. In titulo operis nescio quid statuendum sit. Interea in manu scriptis codicibus reperi, Drungarium esse tribunum, et βίγλων, vigilias seu excubias, et πρωτοβίγλιον primas excubias significare. et πρωτοασηκρῆτις Protosecretarius a Platina non inepte dici videtur. Tuo iudicio committo, vtrum Barbara et corrupta ista vocabula retinenda censeas, γὰς iam impressa sunt, an hoc modo (in primo tomo duntaxat. nam in caeteris serum esse video) mutanda. MAGNVS DRVNGARIVS EXCVBIARVM ET PROTOSECRETARIVS FVIT. Res parui momenti est (quis enim eadem opera et balbus et disertus esse possit?) sed si tu id secutus fueris, quod tibi rectiss[imum] videbitur, aliorumque iudicijs approbatum fuerit, maiores tibi gratiam habebo, quam si ἀκαδημιακῶς ἐφέξῃς καὶ διασκέψῃ. Logothetae et Drungarij isti ita me fatigarunt, γὰς deo magnas gratias sim acturus, si saluus ab eis discessero. Neque vnquam commissurus sum, γὰς tantum laboris tam breui temporis spatio imponi mihi patiar. Sed quod omnia habes quae ad Zonaram pertinent, quaeso te ne posthac meum, sed tuum iudicium sequaris. Choniaten, nisi me prius confecerit, γὰς ad nondinas conficiam, operam dabo. Vale. Cal[endis] Ianuarij, quas tibi tuisque felicissimas esse percupio. Augustae Vindelicorum. 1557.

Hiero[nymus] Wolfius.

Xylandi carmina accipies. Mea, γὰς meruerunt, Vulcano dedicata sunt.